



**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Articvlvs III. Vtrum in diuinis personis sit ordo naturæ. articul. 3.

---

[urn:nbn:de:hbz:466:1-73915](#)

Lateranensis articulo precedente disputatione prima citatis.

Item Concilium Nicænum & Ephesinum: Dicentes, inquit, erat (id est, dabatur tempus verum, aut imaginarium) quando non erat, aut non erat antiquam fieri, aut creatum, aut convertibilem Filii Dei, hos tales anathematizat Catholica & Apostolica Ecclesia. Præterea de Spiritu sancto in Concilio Lundensi cap. Fidei, de summa Trinitate & fide Catholica lib. 6. haec habentur: Fatetur quod Spiritus sanctus externaliter ex Patre & ex Filio procedit. Et in Florentino, in literis sanctæ vniuersitatis in decreto de processione Spiritus sancti: Spiritus sanctus a Patre & Filio aeternaliter est. Ut interim omittam pleraque alia testimonia.

Eamdem conclusionem probat D. Thomas, quia, quod producunt aliquod non sit coeternum cum principio producente, non aliunde prouenit, quam vel quia principium producit liberè, eaque ratione est in potestate illius eligere tempus futurum ad producendum, nec producere statim, vel quia principium non habet statim perfectam vim ad producendum, sed successu temporis illi aduenit, quo pade viuentia corruptioni obnoxia, non statim habent vim perfectam ad generandum sibi simile, sed progressione temporis eis aduenit, vel denique quia productio non est tota simil, sed est successiva, ut calefactio, qua producitur ignis: qua de causa ignis productus esse nequit simul tempore cum igne producente: sed Pater eternus non producit Filium liberè, sed naturaliter, ut questione precedente articulo secundo ostensum est, statimque haberet orationem ad producendum Filium, alioquin quod eam non haberet, esset in potentia ad illam comparandam, ac proinde non esset actus purus, & productio, qua producit Filium, non est successiva, alioquin vel Filius, vel Pater non esset actus purus: ergo Filius est coeterus Patri. Idemque dicendum est de Spiritu sancto comparatione Patri & Filii: cum eadem prorsus ratio sit.

## ARTICVLVS III.

Vtrum in diuinis personis sit ordo naturæ.

**N**O MINE ordinis naturæ intelligitur hoc loco, ordo, qui non sit liber, ac proinde qui sit naturalis, ut distinguitur contra liberum. Ordo ergo originis, qui inter diuinis personas cernitur, videlicet quod Filius sit à Patre, & non è contrario Pater à Filio, & quod Spiritus sanctus sit ab utroque, quatenus non est liber, sed ex natura rei, ac proinde naturalis, ut distinguatur contra liberum, appellatur ordo naturæ, ut D. Thomas in corpore articuli, & in responsione ad tertium explicat. Eodemque modo sumit ordinem naturæ Augustinus 3. lib. contra Maximinum, cap. 14. vbi: Non genitorem, inquit, ab eo quem genuit, sed genitum à genitore mitti oportebat: verum hoc non est inegalitas substantie, sed ordo naturæ, non quod alter prior esset altero, sed quod alter esset ab altero. Hæc Augustinus.

Est ergo D. Thomæ conclusio hoc loco. Inter personas diuinis est ordo originis, qui iuxta sensum explicatum, ordo naturæ dicitur, sine prioritate ramen aliqua. Hanc probat in hunc modum. Ordo semper dicitur per comparationem ad aliquod principium: eaque inde est, ut pro ratione diuerlorum principiorum sint diuersi ordines. Per comparatio-

A nem namque ad principium durationis dicitur ordo secundum durationem, per comparationem ad principium situs dicitur ordo secundum situm, & per comparationem ad principium causalitatis, dicitur ordo secundum causalitatem: cum ergo in diuinis sit principium originis, nempe Pater à quo est Filius, à Patre & Filio sit Spiritus sanctus, consequens est, ut in diuinis sit ordo originis, qui, iuxta sensum explicatum, ordo naturæ nuncipatur. Porro huiusmodi ordo in mutua habitudine ac relatione originis unius personæ ad aliam est positus: quod sit, ut non sit aliud, quā ipsam relationes originis indistincte. Atque hoc est, quod D. Thomas docere intendit in response ad primum.

Dubium est, vtrum propter huiusmodi ordinem, qui inter personas diuinas cernitur, concedenda sit aliqua prioritas unius ad aliam. Gregorius in 1. dist. 9. q. 1. & Gabriel ibidem quæst. 3. affirman: Patrem ex natura rei esse priorem origine quam Filium, & Patrem & Filium esse priores origine quam Spiritum sanctum; prioritatem vero Patris ad Filium non esse aliud, quam Patre esse id à quo est Filius, quippe cum id, à quo est aliud, eo ipso quod ab eo est aliud, sit prius eo quod est ex ipso. Simili modo dicunt, prioritatem Patris & Filij comparatione Spiritus sancti non esse aliud, quam tam Patrem quam Filium esse id, à quo est Spiritus sanctus, idque propter eandem rationem.

Scotus vero in 1. dist. 12. q. 2. & d. 28. & in 2. d. 1. Scoti sententia. ac quodlib. 4. ac aliis locis, non solum admittit prioritatem originis inter personas diuinas, sed etiam in eodem instanti temporis distinguunt multa instantia naturæ, & in eodem instanti naturæ distinguunt multa instantia originis, ut videre est in 2. loco citato. Ait namque in eodem instanti temporis, duratione reali indivisiibili, prius natura in instanti quodam naturæ cognitionem diuinam terminari in instantiam diuinam tamquam in obiectu cognitum, & posterius natura in alio instanti nature terminari in creaturas tamquam in obiectu etiam cognitionis, rursusque in illo priori instanti naturæ, prius origine in instanti quodam originis esse Patrem, & postea in quodam alio instanti originis esse Filium, & in quodam alio tertio esse Spiritum sanctum.

Scoti sententiam, quoad instantia hæc naturæ & Reiciuntur originis, quæ distinguunt in eodem temporis puncto, impugnant Gregorius & Gabriel locis citatis, & plerique alii. Quamvis autem multi existimunt Scotum non aliud in re afficerare voluisse, quam quod Gregorius & Gabriel asseruerunt, ut ipse met multis in locis seipsum explicare videtur, dum affirmat, Patrem, verbi gratia, esse priorem origine, quam Filium in alio originis instanti, non esse aliud, quam Patrem esse à se, aut intelligere à se, Filium vero esse à Patre, atque intelligere per intellectum sibi communicatum: tamē, præterquam quod ciuiusmodi instantia commentitia videntur, vixque, aut ne vix quidem intelligi possint, hoc vnum admonebo. Scorum multis in locis, dum loquuntur de huiusmodi prioritate originis aut naturæ, hac ratione argumentandi vti: Ergo Pater (verbi gratia) in illo priori originis est, & nondum est Filius, aut in illo priori intelligit, & nondum intelligit Filius: quare constitutre videtur instantia, prius in quo sit, aut intelligat Pater, & nondum sit, & intelligat Filius, quod nulla ratione, non solum in diuinis, sed etiam in rebus creatis est ferendum, quando aliquid dicitur prius natura alio solum quia causa illius, quo pacto homo dicitur prior natura sua facultate ad ridendum, aut ad intelligentendum, & Scotus inde argumentatur,

*Natura prioritas quoad causalitatem in quo sit posita.*

ergo in illo prior naturæ est homo, & nondum est sua facultas ad ridendum, aut ad intelligendum.

Etenim eiusmodi prioritas non est comparatione alicuius durationis, in qua sit vnu, & non sit aliud, quocumque modo duratio illa consideretur (in quo tamè videtur deceptus Scotus) sed in eo dum taxat est posita, quod in ordine essendi vnum supponatur ad aliud, tamquam id à quo est, ac proinde id quod supponitur, censetur prius, non duratione, sed ordine essendi in eadem duratione, tamquam quipiam prærequisitum ad aliud in ordine entium: quod inter modos prioritatis naturæ appellatur prioritas secundum causalitatem. Vnde Aristoteles in postprædicamentis explicans eiusmodi prioritatem, ait: *Que ita priora sunt, conseruit existendi consequentia cum iis, quibus dicuntur esse priora, quasi non sit duratione instantie, in quo sit vnum, & non sit aliud, & tamen vnum esse causam alterius, quasi prioritas solum sit quoad ordinem essendi, quatenus scilicet esse vnius supponitur ad esse alterius, quod ex illo deriuatur, et que ab illo tamquam à causa.*

*Ordo originis est inter personas diuinæ, nō tam priores, nō tamen posteriores.*

Pratermissa ergo hac opinione Scoti quoad eiusmodi instantia, aduersus Gregorium, Gabrielem, & Scotum, quatenus conueniunt, Patrem ex natura rei esse priorē origine Filio, & Patrem & Filium esse priores origine Spiritu sancto, hanc statuam conclusionem. Inter Patrem & Filium est ordo originis eius, à quo aliis, & qui ab alio, non tamen prioritas aliqua ex natura rei. Rursus inter Patrem & Filium, in ratione vnius spiratoris, & Spiritum sanctum, est ordo originis, non tamen prioritas aliqua ex natura rei. Priorem partem, nempe quod sit ordo originis, omnes concedunt, ac propter eum ordinem in enumerandis personis diuinis dicimus, Patrem esse primam personam adorandissimam Trinitatis (iure namque opimo incipimus numerare à principio) Filium esse secundam, & Spiritum sanctum tertiam. Posteriorē vero, quod scilicet non sit prioritas, affirmant D. Thomas hoc loco in corpore articuli, & in response ad secundum, Durandus in 1. dist. 9. q. 2. & d. 10. q. 2. & plerique alij, estque eadem sententia Augustini contra Maximinum loco citato. Probarique potest primò ex illo Athanasij in symbolo: *In hac Trinitate nihil prius, aut posterior: quod si ex natura rei esset prioritas aliqua inter personas diuinæ, sane numquam Athanasius absolute dixisset: Nihil esse prius, aut posterior in Trinitate, neque id vnuquam Ecclesia approbat.* Secundò, si Pater ex natura rei esset prior Filius, aut id esset quoad esse absolutum, aut quoad esse respectuum: non quoad esse absolutum, quandoquidem omne absolutum est idem profus numero in Patre & Filio, neque quoad esse respectuum, siquidem quod tale esse, Pater & Filius se mutuò respiciunt, atque adeò natura, cognitione, ac denique omnibus modis sunt simul: ergo Pater ex natura rei non est prior Filius.

*Obiectio.*

*Solutio.*

Obiectio, in rebus creatis propterea causa est prior natura effectu, cum quo conuertitur existenti consequentia, quia causa est id, à quo est effectus: sed Pater aeternus est id, à quo est Filius: ergo prior erit Filius, saltem origine. Dicendum est, dispareat esse rationem inter causam & effectum, & inter personas diuinas: causa namque quoad suum esse absolutum, est id, à quo est effectus quo ad suum etiam esse absolutum, idque per veram actionem, causalitatēque realē: & ob id esse absolutū causa præsupponitur ad esse absolutum effectus, tamquam id à quo est absolutum esse effectus: quod sit, vt inter

A causam, quoad esse absolutum, & effectum, quoad esse similiter absolutum, sit prioritas naturæ in rebus creatis, non verò inter causam & effectum quoad esse relatiuum, quo pæcto sunt simul naturæ. In personis autem diuinis esse absolutum vnius non est id, à quo est esse absolutum alterius, neque via persona est ab alia per actionem ac causalitatem, sed Pater, constitutus in esse relatio Patis, est id à quo est Filius constitutus in esse relatio Filij, et que Filium à Patre, Patremque esse à quo est Filius, nō est aliud, quām respectus ipsi paternitatis & filiationis significati per modum actionis, qui quidem respectus simul sunt naturæ, similiusque resultant in Patre & Filio, vt quæst. 40. artic. 2. explicauimus, quod sit, vt esse Patris non supponatur ad esse Filij, ac proinde non sit prius origine quām esse Filij. Ad argumentum ergo dicendum est, idcirco causam esse priorem natura effectu, quia quoad suum esse absolutum per veram actionem causalitatēque realē est id, à quo est effectus: quo pæcto Patre aeternus nō est id à quo est Filius, sed per nudum respectum, per quem constitutur in esse Patis, quique est simul naturæ & cognitione cum respectu Filij.

Interrogabit aliquis, utrum Pater in diuinis, falso nostro intelligendi more, sit prior Filius? Diuinus Thomas hoc loco in response ad secundum affirmare videtur, Patrem nec nostro intelligendi more esse priorem filio: quippe cum Pater & Filius se mutuò respiciant, correlata autem sint simul cognitione. Caetanus & Torres ad hunc articulum explicant D. Thomam, vt intelligatur, dummodo Pater & Filius apprehendantur concepibus relativis, non verò si apprehendantur concepibus absolutis, quoad modum concipiendi, vt si Pater concepiatur conceptu huius hypostasis, aut huius substantiae incomunicabilis: ex quippe modo apprehensus Pater, inquit, est prior nostro intelligendi more, quām generatio aeterna & quām Filius genitus, vt quæst. 40. artic. 4. D. Thomas docuit. Et quidem ea videtur fusile mens D. Thomæ, quæ plus consonat cum opinione Ferratiensis & Capreoli, quām cum opinione Bartholomei Torres & Caetani, quas quæst. 40. artic. 2. disputat, 2. rerulimus: Nós verò, iuxta ea quae de constitutione diuinarum perloratione eo loco diximus, planè arbitramur, si res concipiuntur, vt se habent in diuinis, in quibus generatio nec virtute distinguuntur à paternitate, per quam Pater constitutur in esse Patis, sed ex natura rei est idem cum illa omnibus modis, vt ibidem copiosè ostendimus, Patrem ne quidem nostro intelligendi more esse priorem Filio, sed omnibus modis esse simul cum illo.

Quo loco obserua, nos non negare in diuinis prioritatem nostro intelligendi more cum fundamento in re, tum inter intelligere diuinum & velle diuinum, quatenus volitio ex natura rei præsupponit intellectuū, tum etiam inter Patrem & Filium spectatos secundum esse Patis & Filij, & rationem spiratoris, ac Spiritus sancti, seu inter Patrem & Filium spectatos in ratione spiratoris & Spiritum sanctum: cum esse Patis & Filij consequantur intelligere, esse verò spiratoris, & spirati consequantur velle diuinum, quod præsupponit intelligere, prius nostro intelligendi more cum fundamento in re, est Patrem esse Patrem, & Filium esse Filium, quām utrumque esse spiratoriem, vt supra saepe explicauimus, atque adeò quām esse Spiritum sanctum, qui relatiū opponitur spiratori, quā spirator est. Quod itaque hoc loco negamus est: inter personas correlatiūas esse prioritatem aliquā, etiam nostro

nostro intelligendi more, ut inter Patrem & Filium, aut inter spiratorem & Spiritum sanctum, idque si res, ut se habent in diuinis, concipiuntur.

## ARTICVLVS IV.

*Vtrum filius sit equalis patri secundum magnitudinem.*

**D**ISPVTAVIT art. 2. de æqualitate quoad durationem, art. verò 3. de ordine diuinarum personarum, eò quòd ea disputatio cum disputatio de æqualitate durationis esset coniuncta, hoc autem articulo de æqualitate quoad perfectionem differit: *In his namque, qua non mole magna sunt, hoc est maius esse, quod est melius esse.* vt ait Augustinus 6. de Trinit. cap. 8. Conclusio affirmit, et quod perspicua ex dictis articulo 1. Est etiam de fide, ut ex testimoniis ibidem citatis, est manifestum.

Conclusio affirmat.

Citea reponsum ad primum argumentum D. Thomæ notandum est, nonnullos ex veteribus Pateribus voluisse, illud Ioan. 1. 4. *Pater maior me est,* intelligendum esse de Christo, ut Filius Dei est, ita scilicet, ut quatenus Pater principium est Filius, Filiisque quā Filius, à Patre accipit; & nō est contraria, Pater dicatur maior Filio illa ratione, quā appellatur majoritas autoritatis principij, subiungebant tamen iūdem Patres, Filiū nihilominus non esse minorem Patre, sed ei æqualem: eò quòd illi consubstantialis. Hanc rationem interpretandi illum locum, præter Hilarium relatum hoc loco à D. Th. quidem etiam affirmit lib. 9. & 10. de Trinitate, sequuntur Basilius sub finem primi libri adversus Eunomium, & libro 4. Gregorius Nazianzenus oratione 35. & 36. Epiphanius in Anchoreto, Concilium Sardicense in epistola, in qua explicatur fides sanctissimæ Trinitatis, ad finem, his verbis: *Confitemur vnam Patris Filiique diuinitatem, neque quisquam negat Patrem Filio maiorem, non propter aliam essentiam, sed quia nomen Patris maius est Filio.* Damascenus 1. de fide Orthodoxa cap. 9. ad finem. Eamdem expositionem non retinunt Cyrillus lib. 2. Thefauri cap. 3. Augustinus de fide & Symbolo cap. 9. Theophylactus in cap. 14. Ioannis. Gregorius Bæticus in lib. de fide, quem librum inuenies in 8. tomo Bibliotheca sanctorum Patrum, & Concilium Florentinum sessione 25. in principio.

Nihilominus communior, legitimaque expositio illius loci est, ut intelligatur de Christo, ut homo est. Ita illum exponit Athanasius in Symbolo ab Ecclesia in Concilio Florentino in instructione Armenorum approbato, illis verbis: *æquals Patri secundum diuinitatem, minor Patri secundum humanitatem.* Eodem modo cum exponunt Leo I. epist. 95. ad Leonem Augustum c. 2. & in serm. 3. de Pentecoste prope finem. Concilium Hispanense secundum can. 13. Concilium Toletanum 11. in confessione fidei. Consonat satis Concilium Ephesinum in confessione fidei ad Nestorium missa. Eodem modo fatentur exponi posse optimè, imò & melius quam priori modo, Basilius epistola 14. ad Cæfarianos, Gregor. Nazianzenus orat. 36. citata, Greg. Bæticus vbi suprà, & Theophylactus loco citato. Eodem modo exponitur ab Athanasio in disputatione contra Arium Laodiceæ habita, à Chrysostomo homilia 8. in epistolam ad Hebreos in illa verba capit. 5. *Et consummatas, &c. à Hieronymo Molina in D. Thom.*

A in Psalmum 143. à Cyrillo loco citato, & sub finem libri 5. Dialogorum de Trinitate, & lib. 10. in Ioannem cap. 9. Eodem modo multis egregiè probant fore exponendum Gregorius Nyssenus in fragmēto orationis de Filij & Spiritu sancti diuinitate, qua habetur 1. tomo Bibliotheca Patrum. Augustinus loco citato & 1. libro de Trinitate capite 7. & capite 11. & in concione ad cathucenos contra Iudeos capite 8. libro 3. contra Maximum cap. 14. & ipse, vel qui quis alius, de Trinitate & unitate Dei capite 2. Secundo etiam de Trinitate cap. 6. vbi obseruat in Scriptura sacra nusquam reperiri dictum Patrem aut Filium esse maiorem Spiritu sancto, qui ab eis procedit, sicut Filius à Patre. Vnde colligit illum locum Ioannis 14. *Pater maior me est, non esse intelligendum de Verbo: nam hoc modo idem esset dicendum de Spiritu sancto:* sed de Christo, ut homo est. Adde Idacium Claram lib. 3. aduersus Varimadum Arianum ut habetur tom. 5. Bibliotheca Patrum.

## ARTICVLVS V.

*Vtrum Filius sit in Patre, & è connuerso.*

**F**VM disputatione de æqualitate quoad perfectionem, coniuncta est aliquo modo quæstio proposita (sunt enim æquales perfectione pater & Filius ratione essentiae, ratione quæ eiusdem unus dicitur esse in alio, ut patet) quæ causa est, cur eam excitet. D. Thomas hoc loco.

Conclusio affirmat. Et est de fide, ut pater ex illo Ioannis cap. 14. *Ego in Patre, & Pater in me est. Filius est in Quo loco animaduerte, sicut si duo tota communicaient in eadem parte, dicerent mutuò unum est in alio ratione partis, in qua communicarent, ut si Deus sua omnipotencia efficeret, ut eadem anima rationalis informaret duas materias inter se diuisas, duæ totæ, quæ tunc resultarent, ita haberent, ut verè diceretur esse unum in alio, ratione animæ rationalis: sicut etiam maiori cum ratione, cum personæ diuina, non solum communicaient in eadem numero essentia diuina, sed cum illa sint idem profus ex natura rei, verè dices, esse singulas in aliis singulis, Patrem scilicet in Filio, Filiū in Patre, & Spiritum sanctum esse in Patre & Filiō, & è contrario Patrem & Filiū in Spiritu sancto. Atque hoc est quod, iuxta communem expositionem Sanctorum, Christus illis verbis Ioannis 14. voluit significare.*

D. Thomas hoc loco duos alios modos addit, quibus quodammodo Pater dicitur esse in Filiō, & Filius in Patre. Unus est quoad relationes, quibus se inuicem respiciunt: cum enim unū relatiū sit de intellectu alterius, sancē unūquodque eorum ea ratione quodammodo dicitur esse in alio quod ad intellectum. Alter verò est quatenus Verbum procedit per productionem immanentem, ac proinde manet, & est in Patre dicente & producente Verbum: & Pater etiam quodammodo manet in Verbo tamquam res dicta in verbo quo dicitur.

Illud admonuerim, ut aliquid dicatur esse in aliquo, necessariam esse distinctionem aliquam inter utrumque, & ob id verè dici, quod essentia sit in Patre, quia ab eo distinguitur nostro concepcioni modo ac virtute, tamquam quippiam inclusum ab includente. Similiter etiam Filius ratione essentiae dicitur esse in Patre, quia ab eo distinguitur realiter. At verò Filius non dicitur esse in le ipso

VII ratione